

清・光緒二十八年刊本影印

皇朝掌故輯要
(一)

清・林熙春輯

華文書局股份有限公司印行

清·光緒二十八年刊本影印

皇朝掌故輯要
(二)

清·林熙春輯

華文書局股份有限公司印行

中華民國五十九年五月初版

皇朝掌故輯要

(精裝二冊)

售價：
國內：新台幣六百五十元
國外：美金十五元

發行人：薛

頌

留

發行所：華文書局股份有限公司

台北市南昌街一段七十二號

電話：三六二六三五號

印刷者：華文書局股份有限公司

台北市南昌街一段七十二號

電話：三六二六三五號

版權所有

內政部登記證內版台業字第一五四六號

光緒壬寅夏月

國朝掌故輯要

星沙王先謙題

昌江岳雲
山館梓行

叙

昌江一靈傑之區也幕阜連雲得乾坤正氣積數百年而
一洩故十三君子疊出其間生其後者既攬名勝又沐宋
儒遺風縱不盡高言性道而鍾其靈秀必有矯然特出擅
才學識三長者嘗觀邑志藝文如李嘗之古今評史李自
芳讀史攷鍾靈史餘散草類皆以史學名家惟艾而康抗
心希古以述史明道爲己任續綱目大全乃本傳不載豈
有其目而無其書歟甚矣成書之難也林子雲區平邑績
學士也生今之世用今之禮其志專主乎從周自開國
以來金簡玉函凡有關國朝掌故者博觀而約取成書

二十四卷顏曰輯要昔曾質之督學朱肯夫宮詹矣計云班固之成書也出自家庭陳壽之草志也創於私室浦起龍嘗言之矣宋陳均記撰九朝編年備要記北宋九朝事迹大抵據日厯實錄參以李燾長編而以他書附益之宋熊克著中興小紀起建炎丁未迄紹興壬午以小別之明非官撰也茲閱所輯年經月緯增簡刪煩綱舉目張有條不紊殆變班陳之面貌步陳熊之後塵乎努力輯成定當不脛而走風行海內矣後十餘年南海洗雪畊明府來宰斯邑慨然摻羅文獻得是編而評之曰讀輯要二十四卷具見本原自編年變爲紀傳大漢以後罕有精本輯要仿

依荀氏家法於 國家經制能舉其綱一人一事有本有末足徵心得編成藏事請付之手民以惠學者日垂久遠是二評也足弁簡端矣而乃以序言屬予予何言哉恭讀諭旨講求實學丕變舊章以策論經義取士並合中外政治史事藝學定爲程式舉二百餘年帖括之積習一舉而新之是誠識時務者所宜留心也林子纂言紀事匪直提中國之要時亦提外國之要將以擴中外一統之規而不徒以編年見焉此胡文定公讀通鑑舉要所以稱爲典要之總會也作者之意其在斯乎其在斯乎若夫體制謹嚴別龍門而宗涑水不愧名山著述前二評已括其要矣

毋庸贅光緒壬寅秋七月清泉盛元凱敘

叙

天差而西歲差而東執堯典以測今世之天而天溷矣十
數湮九九河關入執禹貢以度今世之地而地錯矣韓子
謂非三代兩漢之書不敢觀蓋稽古之事云然居今之世
策今之治則 本朝 列聖之書耆舊之蹟可忽視乎墨
子之法夏也儒者訟言非之爲其反古也管子變周非盡
詭於周也而已基霸述之始荀子曰道過三代謂之蕩法
二後王謂之不雅荀之法後王也蓋取其切近而易於行
也所謂欲觀帝王之迹必於其粲然者乎 國朝政典肅
皇相積二百餘年矣祕館所登宿儒所采竝有專書從無

提要之作林子雲區追宗左史規通鑑體製成書廿四卷
顏曰 國朝掌故輯要竊嘗讀之殆有卓軼古今者乎古
有經無史司馬氏勑爲史例歷代因之曰書曰紀曰傳曰
志曰典曰畧曰紀要多借才異代以成一代之書林子生
於當代取當代貞元運會之故綜其行事裁以識斷起自
興王迄於 穆宗以 本朝爲疆畔是卽春秋尊一統
之義與今天下多故矣 天子刻意求才深悉時文靡敝
無當濟世之宜乃令頒實學仿漢唐策士之條重試策論
設經濟特科俾天下士實事求是胥勉於有體有用焉甚
盛舉也而侈著作者輒編輯方言稗史異域奇書周布天

下謂以是博通中外則人才出也而人心已深受其惑矣
林子惟兢兢於我朝聖訓尤節取名臣奏議訖禮樂
兵農諸大政撮要審中務成完本一切鬼瑣不經之談削
不登錄豈第嚴體例哉以治法莫詳於是也嗚呼誠有志
於經世之畧乎然則處今世而言經世毋侈言變法也善
守法焉亦不變之變矣定鼎以來勝朝所不便於民者
列祖列宗已酌劑而釐剔之開國之天下不當大治
矣哉治開國之天下曷不可治今世之天下揚子云眾務
紛錯懸諸天羣言淆亂折諸聖今日謀國者紛紛矣且務
談新法矣稽列聖之典行列聖之政以復列聖之

治將於是編有賴焉爰爲之叙以質諸當世之留心時政者光緒壬寅夏五月新化伍毓焜叙

民脈一脈宗曰國脈而國脈之開闢之天下不啻大新
古出焉有不變之變矣 宜果以來德博觀不勝其只青
策勁其公義平無限盡令世而合縣步世而合變焉小善
不登於良德焉隨時而治以高其善也長少知而不亦以
與數端大類然要書中符其法不一而足其不亦以知端
林千計其數故知 傳 聖師之德道合而善其清氣來
下而具其朝臣中必限人卡出而治也日其愛其公法

叙

記曰剛日讀經柔日讀史揚子雲曰多聞則守之以約多
見則守之以卓史爲經翼顧不重乎士人潛修爾室博覽
羣書上下數千年縱橫九萬里尙當體會胸中而資考訂
況食毛踐土深荷 君恩者哉 國家 醴恩 厚德隻
古無兩史臣載筆信而有徵矧 聖祖仁皇帝 高宗純
皇帝又各屢降 諭旨謂朕之政治天下人必共知之芻
蕘之采士庶不遺胥是道也林子雲區績學士也歲辛丑
出所編輯 國朝掌故輯要二十四卷見示年經月緯攷
覈翔明知其所守者約故能化泛濫爲謹嚴所守者卓故

能變繁縟爲精當洵足信今傳後垂示永久云光緒辛丑
冬十一月星沙張伯基拜叙

叙

自海禁潰弛遐荒驛騷內政外交日不暇給策時變者乃
致意於興學育才謂當察千載盛衰之理衡五洲強弱之
形因時制宜取長益短民智大啟國勢自張然而四庫所
儲諷讀難徧新理日出轉譯滋多橫舍呬晤畢世莫究三
年之艾庸有冀乎是故昔之著書也貴詳今之著書也貴
簡黜破碎之習省迂迴之程惜其時力徵諸實用簡則易
從信不誣矣且夫宇內萬國載籍可考有政有教中國最
先唐虞以來世禩綿邈因革損益史不絕書然未有如我
朝聖聖相承重熙累洽功德之盛民無能名者也顧